



Broj: 09-04-5-14947/25
Sarajevo, 15.12.2025. godine

U skladu sa članom 70. Zakona o javnim nabavkama BiH ("Sl. glasnik BiH", br. 39/14, 59/22 i 50/24), Zapisnikom o pregledu i ocjeni ponuda, broj: 08-11-15-14459/25 od 02.12.2025. godine i Preporukom Komisije za javne nabavke, broj: 08-11-15-14459-1/25 od 02.12.2025. godine, a na osnovu člana 18. stav 1. Pravilnika o javnim nabavkama Fonda za profesionalnu rehabilitaciju i zapošljavanje osoba sa invaliditetom, broj: 01-02-2-10558/24 od 11.09.2024. godine, Upravni odbor Fonda za profesionalnu rehabilitaciju i zapošljavanje osoba sa invaliditetom na 82. elektronskoj sjednici održanoj dana 15.12.2025. godine d o n o s i

ODLUKU

o izboru najpovoljnijeg ponuđača TQM d.o.o Institut za kvalitet standardizaciju i ekologiju Tuzla

I

Prihvata se Preporuka Komisije za nabavku, broj: 08-11-15- 14459-1/25 od 02.12.2025. godine u postupku nabavke usluga iz oblasti zaštite na radu, putem konkurentskog postupka za dostavu ponuda i Ugovor za javnu nabavku dodjeljuje se **ponuđaču TQM d.o.o Institut za kvalitet standardizaciju i ekologiju Tuzla, ponuda br. 2**, dostavljena dana 20.11.2025. godine, za ponuđenu cijenu nakon okončanog postupka e-aukcije u iznosu od 7.990,00 (bez PDV-a), kao najpovoljnijem ponuđaču.

II

Izabrani ponuđač je dužan u roku od 5 (pet) dana od dana dostavljanja ove Odluke dostaviti originale ili ovjerene kopije dokumentacije iz člana 45. Zakona o javnim nabavkama, pobliže navedeno u tački 3.1. Tenderske dokumentacije.

III

Prijedlog Ugovora o javnoj nabavci dostavit će se na potpis izabranom ponuđaču po isteku roka od 10 (deset) dana, računajući od dana kada svi ponuđači koji su učestvovali u predmetnom postupku nabavke budu obaviješteni o izboru najpovoljnijeg ponuđača.

IV

Izabrani ponuđač je dužan u roku od 5 (pet) dana od dana dostavljanja ove Odluke dostaviti novi obrazac za cijenu ponude, a koji sadrži smanjenje cijene iz e-Aukcije.

U skladu sa članom 10. stav 2. Pravilnika o uslovima i načinu korištenja e-Aukcije („Službeni glasnik BiH“, broj 80/23), ponuđač je dužan umanjiti cijene za svaku od pozicija u Obrascu za cijenu ponude za isti procenat koliko iznosi konačno procentualno umanjenje ukupne cijene postignute nakon e-aukcije, te se na tako umanjene cijene nudi zaključenje ugovora najpovoljnijem ponuđaču u skladu sa članom 72. Zakona o javnim nabavkama.

Ova Odluka stupa na snagu danom donošenja i objavit će se na internet stranici Fonda, istovremeno s upućivanjem iste svim ponuđačima koji su učestvovali u predmetnom postupku javne nabavke, u skladu sa članom 70. stav. 6. Zakona o javnim nabavkama.

OBRAZLOŽENJE

Postupak javne nabavke je pokrenut Odlukom o pokretanju konkurentskog postupka javne nabavke broj: 01-04-5-12921/25 od 20.10.2025. godine. Javna nabavka je provedena putem konkurentskog postupka. Procijenjena vrijednost nabavke iznosi 8.000,00 KM (bez PDV-a).

Tendersku dokumentaciju je preuzelo devet (9) privrednih subjekata, a dva (2) ponuđača su dostavila ponude u predmetnom postupku nabavke. Neblagovremenih ponuda nije bilo.

Ponude su dostavili sljedeći ponuđači:

Redn i broj	Naziv i sjedište ponuđača	Datum i vrijeme zaprimanja ponuda
1.	Monsun d.o.o. Lukavac, ul. Modrac br. 32, Lukavac	19.11.2025. godine u 12:00 sati
2.	TQM d.o.o Institut za kvalitet standardizaciju i ekologiju Tuzla, ul. Nikole Tesle br. 3 C , Tuzla	20.11.2025. godine u 12:00 sati

Komisija za javne nabavke imenovana Odlukom broj: 01-04-5-1291/25 od 20.10.2025. godine je izvršila pregled i ocjenu ponuda, te konstatovala da su zaprimljene ponude prihvatljive.

Za ovaj postupak nabavke predviđena je e-Aukcija. Ugovorni organ je odredio početak i vrijeme trajanja e-Aukcije u sistemu e-Nabavke za sve prihvatljive ponude. Svi ponuđači koji su podnijeli prihvatljive ponude, momentom zakazivanja e-Aukcije su istovremeno putem sistema e-Nabavke bili obaviješteni o sljedećem:

- datumu i vremenu početka e-Aukcije;
- prethodno određenom trajanju e-Aukcije;
- broju postupka javne nabavke;
- poziciji na rang listi u početnoj ocjeni ponuda;
- da li se na ponudu primjenjuje preferencijalni tretman domaćeg.

E-aukcija je održana 28.11.2025. godine u 09:15 sati u trajanju od 10 minuta. Ista je provedena putem portala www.ejn.gov.ba, i to u skladu sa Pravilnikom o uslovima i načinu korištenja e-Aukcije („Službeni glasnik BiH“, broj 80/23) i Uputstvom o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki („Službeni glasnik BiH“, broj: 80/22).

Konačna rang lista ponuđača koji su učestvovali u e-Aukciji:

Redni broj	Naziv i sjedište ponuđača	IDB/JIB	Konačna cijena u KM bez PDV-a	Umanjenje cijene	Rang
1.	TQM d.o.o Institut za kvalitet standardizaciju i ekologiju Tuzla, ul. Nikole Tesle br. 3 C , Tuzla	4209977290008	7.990,00 KM	0,13 %	1
2.	Monsun d.o.o. Lukavac, ul. Modrac br 32, Lukavac	4209225320005	8.000,00 KM	0%	2

Nakon izvršenog pregleda i ocjene ponuda, Komisija je dostavila Upravnom odboru Fonda za profesionalnu rehabilitaciju i zapošljavanje osoba sa invaliditetom Preporuku broj: 08-11-15-14459-1/25 od 02.12.2025. godine o izboru ponuđača TQM d.o.o Institut za kvalitet standardizaciju i ekologiju Tuzla sa ponuđenom cijenom od 7.990,00 KM bez PDV-a i Zapisnik o pregledu i ocjeni ponuda, broj: 08-11-15-14459/25 od 02.12.2025. godine.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjele ponude shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove Odluke.

Pouka o pravnom lijeku:

Protiv ove Odluke svaki od ponuđača koji je učestvovao u postupku nabavke može izjaviti žalbu Ugovornom organu u pisanoj formi u roku od 5 (pet) dana od dana prijema ove Odluke.

ONALAP
PREDsjednik UPRAVNOG ODBORA

Dr. Senad Pešto

Dostaviti:

- Upravnom odboru
- Ponuđaču (2x)
- Službi za javne nabavke i informacione tehnologije
- Sektoru finansijskih i računovodstvenih poslova
- a/a

